

Poštovani,

Velika nam je čast i zadovoljstvo predstaviti javnosti projekat pod nazivom "Dani urgentne medicine" kojeg realizira osoblje Odjela Urgentne medicine Kantonalne bolnice Zenica. Saradnici u realizaciji projekta su: Kantonalna bolnica Zenica, Ljekarska komora Zeničko-dobojskog kantona i Medicinski fakultet Univerziteta u Zenici. Projekat je zamišljen da se sprovede na nivou Zeničko-Dobojskog kantona, ali uslijed zainteresovanosti kolega koji se bave navedenom granom medicine za naš projekat, želimo da pozovemo Ljekarske komore svih kantona da nam se pridruže.

Dani urgentne medicine će se realizirati u periodu od 23.-24.09. 2023. godine. Za učesnike smo pripremili veliki broj edukativnih predavanja i radionica koje će voditi naši stručnjaci i uposlenici. Kroz spomenuta predavanja obradit ćemo osnovna stanja urgentne medicine kao što su: anafilaksa, akutna internistička i akutna hirurška stanja, povrede, ali i radionice: BLS, ALS, pristup traumatiziranom pacijentu, radionica hirurškog šivenja, postavljanje imobilizacijskih materijala.

Projekat ima za cilj okupiti liječnike specijaliste, mlade ljekare i studente u zajedničkoj želji za naukom, napredovanjem i stalnim usavršavanjem. Upravo su postulati Urgentne medicine ono sa čime se mladi ljekari svakodnevno susreću. Urgentna medicina je prožeta kroz sve dijelove medicine, a od posebnog značaja je za kolege na nivou primarne zdravstvene zaštite, jer su to ljekari koji dolaze u prvi kontakt s pacijentom.

Ovom prilikom Vam se obraćamo sa molbom da ovaj e-mail dostavite do načelnika Službi hitnih medicinskih pomoći i Odjela urgentne medicine zdravstvenih ustanova Vašeg kantona, kako bi kolege koji se bave urgentnom medicinom na vrijeme vidjeli ovu najavu i poziv na učešće. Želimo da nam se u prezentovanju zanimljivih tema iz naše specijalnosti pridruže kolege iz svih službi hitnih medicinskih pomoći.

Zamolili bismo da nam se na ovaj e-mail (daniurgentnemedicine@gmail.com) jave svi zainteresovani ljekari koji žele da na Danima urgentne medicine održe neko predavanje na neku od ponuđenih tema (možemo Vam dostaviti okvirni spisak tema) ili na željenu temu koju učesnik odabere.

Unaprijed smo Vam zahvalni.

S poštovanjem,

Organizacioni odbor projekta "Dani urgentne medicine"